



Jendeak gainezka bete zuen Anoetako belodromoa Euskaldunon Irrintzia ekitaldian.

ANDER GILLENEA

# Hamar mila euskaldunen irrintzia

ETAk «borroka eder eta latz honetan» parte hartzeko gonbitea egin zuen Belodromoan

**E**uskaldunon Irrintzia-k', Txiki eta Otaegiren heriotzaren XX. urteurrenaren inguruan antolatutako ikuskizunak, hamar mila lagunetik gora bildu zituen atzo Anoetako Belodromoan. Han jarria zegoen pantaila erraldoian ETako militante bat agertu zen agiri bat irakurtzen. «Hildako eta borrokan dirauten gudariak gogoan» izateko eskatu, eta «bakoitzak ahal duen neurrian, borroka latz eta eder honetan» parte hartzera dei egin zituen bertaratutakoak.

GORKA ZABALETA / DONOSTIA

Hamaika ordu baino gehiago iraun zituen ikuskizunak Euskal Herriaren azken hogeitak historia gogora ekartzea zuen helburu, Txiki eta Otaegiren heriotzaren XX. urteurrena aprobetxatuz. Hiru ekitaldi nagusitan banatuta zegoen 'Euskaldunon

Irrintzia' eta hasieratik piztu zuten jendearen txaloak. Antolatzailerik jendearen parte hartzea eskatu zuten ikuskizunaren aurretik, eta jendeak hala erantzun zuen. Jaialdiaren une nagusia Euskal Herriaren historia erakusten zuen ordu t'erdiko ikusentzuteko ekitaldia izan zen.

Baina horren aurretik, jendeak tokia hartzen zuen bitartean, eta giroa berotzen joateko, Zabala Anaia izan ziren trikiti doinuekin Belodromoko lehen txaloak altzatuz. 17.25ean hasi ziren hauek, eta ondotik Iparraldeko 'Guk' taldea izan zen oholta gainean. 'Huts Hots-ek' txalaparta ahotsa zabaldu zuen Belodromoan, Zubieta eta Iturengo zanpanzarren zaratarekin bat eginez. Honekin lehen zatia amaitu zen. Jadanik Belodromoan bete xamarra zegoen, nahiz eta oraindik jendea etengabe sartu.

Ikuskizunaren bigarren ekitaldia. Argiak itzaldutik ondoren, 'Euskaldunon Irrintzia' ikuskizunaren zati garrantzitsuen hasi zen. Pantaila erraldoi batean naturako irudiak ikusi zitezkeen bitartean, koru eta orkestrak 'Iza-

rren Hautsa' abestu zuten. Ondoren, bi hiru minutuko iraupena zuten zatietan Euskal Herriko historiaren garai eta pasadizo ezberdinak eskeini zituzten, beti ikusentzutekoa eta oholta gainean zuzenean aritu ziren koru, orkestra, dantzari, eta abeslariak erabiliz. Gernikako bonbardaketa, tortura, Carreroren hilketak, Txiki eta Otaegiren fusilamendua, Francoren azken irudiak, Estatutoa, GAL, Independentzia,... gai guzti hauek presente izan ziren ikuskizun honetan. Une hunkigarriak eta emozioz beterikoak bizi ziren kontaketa zehar. Goardia Zibilek eginitako tiroketa baten errepresentazioa, tortura kasu baten antzezpena, senide eta preso irudiak...

'Eusko Gudariak' kantarekin amaitu zen ekitaldi honek ia 400 lagunaren parte hartzea eskatu zuen, eta 180 mila watteko argia eta 25 mila watteko soinuaz gain. Ostiral gauetik jardun behar izan zuten etenik gabe, larunbat arratsalderako dena prest egoteko. Baina ez zen guztiak hemen amaitu. Zortzietan atsedean bat

egin ondoren, rock talde eta gazte jendearen txanda heldu zen. Gaueko laurak arte aritu ziren dantzan bertan bildutako milaka gazte. Rock jaialdia Gozategi anaiekin hasi eta ondoren Txakun, Exkixu eta Su ta Gar parte hartzea izan zuen. Gaur festaren jarraitzeko aukera izango dute Kilometroak Donostian baita aurtan.

Euskal Herriko hainbat jende ezagunek hartu zuten parte 'Euskaldunon Irrintzia' ikuskizun honetan. Besteak beste, Xabier Amuriza, Fermin Muguruza, Anje Duhalde, Erramun Martikorena edo Jon Maia. Ikusleen artean ere, ezker abertzaleko eta kulturaren munduko jende ugari ikusi zitekeen Atzo izandako arrakasta kontutan izanik, liburu eta bideo bat argitaratzeko asmoa dute antolatzailerik, bertan izan ez zirenek ere ikuskizun honetaz gozatzeko aukera izan dezaten.

Amaieran, ETako eta IK anagramak oholta gainera igo zituzten zenbait enkaputxatuk, eta Eusko Gudariak abestuz amaitu zen ekitaldia.

## Lazo urdina mendi garaianetan jarri du BAKek

DONOSTIA

Bakearen Aldeko Koordinakundeak Euskal Herriko mendi garaianetara eramane zuen atzo lazo urdina, Jose Maria Aldaiaren askatasuna eskatuz. Gorbea, Aizkorri eta Hiru Erregeen Mahaia mendietako gailurretan jarri zuten lazo urdina 'Jose Maria etxera' zioen pankartarekin batera.

Euria eta haizea izan zuten hiru mendietara joan ziren martxistek. Ekitaldion helburua «ekintza deigarria eta astean zehar egiten direnetik diferentia» egitea zen, BAKeko ordezkariak azaldu zuten. Eduardo Roberto Mendizabalek —Hiru Erregeen Mahaian izan zen BAKeko kideak— esan zuenez, «azaldu nahi dugu ezin diogula adi egoteari utzi, ezin zaiola ekintzak egiteari utzi. Jendeak gogoan izan behar du beti Jose Maria Aldaiak bahiturik jarraitzen duela».

## Oliveri: «Ilusioa piztuko dugun proiektua behar dugu abertzaleok»

DONOSTIA

Inaxio Oliveri Eusko Alkartasuko idazkari nagusiak atzo Arrasaten (Gipuzkoa) esan zuenez, «gaur egungo ezkortasunari aurre egiteko, abertzaleok jendearengan ilusioa piztuko duen proiektu bat lortu behar dugu». EAKo militanteen aurrean eginiko ekitaldi batean, Oliverik HBri jarrera aldatzeko eskatu zion.

Espainiako politikak bizi duen giro nahasiari eta gure herrian dugun biolentziaren estrategiari aurre egiteko ezinbestekoa ikusten du abertzaleon arteko proiektu politiko bat. «Euskal Herrian zerbait egin beharra dago. Ezin gara begira geratu. Baina GAL auzia argitzeko eskatzen dugun bezala, HBri biolentziaren estrategia uzteko eskatzen diogu».

### PARKERA GONBIDATZEN ZAITUGU

Bilboko kondar-urak Galindoko Araztegiaraino eramateko iraganbidea izango den kolektore handi eta tuneleko lanak, jada amaituak, ikustera. Sekulako parada da edonorentzat, hilabete barru funtzionamenduan hasiko dira eta. Zeure zain gaude asteko egun guztietan, 10etatik 17etara. Eskerrik asko etortzeagatik.

### TE INVITAMOS AL PARQUE

A visitar las obras, ya terminadas, del gran colector y túnel por donde las aguas residuales de Bilbao serán conducidas hasta la Estación Depuradora de Galindo. Es una ocasión única porque, dentro de un mes, entrarán en funcionamiento. Te esperamos todos los días de la semana, de 10:00 a 17:00 horas. Gracias por venir. (Lugar: CARPA instalada en el Paseo José A. Clavé, entre la entrada del parking y los campos de baloncesto).

